



ODA E AVOKATËVE TË KOSOVËS
ADVOKATSKA KOMORA KOSOVA
KOSOVA BAR ASSOCIATION

V.KD. Nr.17-1/2022

KOMISIONI DISIPLINOR I ODËS SË AVOKATËVE TË KOSOVËS, Kolegji Disiplinor i përbërë nga Rrahim Ajeti (kryetar), Violeta Jashari dhe Agron Curri (anëtarë), me pjesëmarrjen e procesmbajtëses Vjollca Ajeti, Administratore në zyrën Disiplinore të OAK-së, në çështjen disiplinore sipas propozimit disiplinor me nr 39-5/2021, të datës 26.07.2022, ndaj të paraqiturit avokat me seli në konform nenit 19 të Rregullores për Procedurën Disiplinore për Avokatë dhe Praktikantë, të OAK-së, pas zhvillimit të seancës së shqyrtimit fillestar më datën 03.08.2022, merr këtë:

V E N D I M

- I. HUDHET Propozimi Disiplinor me nr. 39-5/2021, të datës 26.07.2022 dhe PUSHOHET procedura disiplinore ndaj av. me nr. të licencës , me seli të zyrës në , për shkak të arritjes së afatit të parashkrimit absolut për zhvillimin e procedurës disiplinore.
- II. Shpenzimet e procedurës disiplinore mbulohen nga mjetet buxhetore të OAK-së.

A r s y e t i m

Me datën 26.07.2022, Prokurori Disiplinor i OAK-së, në Komisionin Disiplinor ka paraqitur propozimin disiplinor nr. 39-5/2021, kundër të paraqiturit avokat për kryerje të shkeljes së rëndë disiplinore nga neni 118, paragrafi 1.3 i Statutit të OAK-së, lidhur me nenin 37, 38,39 dhe 41 të Kodit të Etikës Profesionale të Avokatit.

Kolegji Disiplinor i OAK-së, me dt. 03.08.2022, mbajti shqyrtimin fillestar dhe pasi shqyrtoi e analizoi shkresat e lëndës, konstatoi se shkelja disiplinore e pretenduar në propozimin disiplinor nuk futet në kategorinë e shkeljeve të rënda disiplinore. Këtë vlerësim Kolegji e bëri bazuar në nenin 253, parag 2, të Kodit të Procedurës Penale, i cili zbatohet përshtatshëm edhe në Procedurën Disiplinore në OAK.

Shkelja e pretenduar sipas propozimit disiplinor është kryer me dt. 21 dhe 22.04.2021. Sipas nenit 56, parag 1 të Ligjit të Avokatisë, fillimi i procedurës disiplinore për shkelje të lehta parashkruhet gjashtë (6) muaj pas njoftimit për shkeljen e bërë dhe kryesin, kurse në çdo rast parashkruhet pas kalimit të afatit kohor prej një (1) viti prej ditës së kryerjes së shkeljes. Në rastin konkret, Kolegji konstatoi se shkelja disiplinore është parashkruar në mënyrë absolute me dt. 22.04.2022, andaj bazuar në nenin 19 të Rregullores për Procedurën Disiplinore për Avokatë dhe Praktikantë, Kolegji vendosi si në pikën I të dispozitivit, ndërkaq vendimi për shpenzimet e procedurës disiplinore u mor në bazë të nenit 37 parag 2, të të njëjtës rregullore.

Komisioni Disiplinor i Odës së Avokatëve të Kosovës
V.KD. Nr.17-1/2022, dt. 03.08.2022

Procesmbajtësja
Ma.sc.Vjollca Ajeti

Kryetar i Kolegjit Disiplinor
Av. Rrahim Ajeti

KËSHILLË JURIDIKE

Kundër këtij vendimi, palët kanë të drejtë të paraqesin ankesë në Komisionin e Ankesave të OAK-së, në afat prej 8 ditësh nga dita e pranimi të vendimit. Ankesa i dërgohet Komisionit të Ankesave në OAK, përmes këtij Komisioni.